



13. oktoberi 2016

UKA2016/136/137

Borgmesterit borgmesteritut atuunnermik saniatigut aallaavittut allamik suliffeqarsinnaanerannik suliffimmilluunniit ingerlatsisinnaanerannik pisinnaajunnaartitsisumik, Naalackersuisut kingusinnerpaamik UKA 2017-imi kommunit aqunneqarnerat pillugu Inatsisartut inatsisaanut allannguutissatut siunnersuummik saqqummiussinissamik peqquneqarnissaannik Inatsisartuni aalajangiiffigissatut siunnersuut.

(Inatsisartunut ilaasortaq Ane Hansen, Inuit Ataqtigiit)

Kommunit kattunnerisa kingorna Naalackersuisut malitseqartitsillutik aaqqissuusseqqissinnaanissamut UKA2017-mut sinaakkutissanik tunngavigisassanillu nassuiaasioqqullugit Inatsisartut aalajangiiffissaattut siunnersuut.

(Inatsisartunut ilaasortaq Aqqaluaq B. Egede, Inuit Ataqtigiit)

Inatsisartunut ilaasortaq Ane Hansen Inuit ataqtigiit siunnersuuteqarpoq borgmesterit atuunnermini saniatigut suliffimmilluunniit ingerlatsisinnaanerannik pisinnaajunnaartitsisumik Naalackersuisut allannguutissamik siunnersuuteqarpoq, taavalu Aqqaluaq B Egede siunnersuuteqarpoq tassalu kommunit kattunnerisa kingorna 2017 ukiakkut periusissiamik Naalackersuisut saqqummiussaqaqqullugit tamanna oqaaseqarfigissavarput.

Kommuneqarfinni tamani kommunalbestyrelsimut qinigaasimasut tamarmik periarfissaqarput borgmesterinngornissaminnut, tamannalumi pissusissamisorpoq, tassami qinigaanermi assigiimmik inissiisoqartarpoq, imaanngilaq tamatigut taasinerit amerlassusiat malinneqassasoq borgmesterinngornissamut tamannami inatsimmik tunngaveqanngilaq, kisianni tassa ileqquliunneqarsimavoq Partiini suleqatigiinni taaneqarnerpaaq kommunimut naliginnaasumik borgmesterinngortinneqartarluni.

Borgmesterit atuunnermik nalaani saniatigut allanik ingerlataqassanngitsut Ane Hansen siunnersuuteqarpoq. Tassa borgmesteritut toqqagaaneq atorfiunngilaq kommunalbestyrelsimut allatulli qinikkatut suliffiuvoq, kisiannili soorunami ulluinnarni kommunalbestyrelsip aalajangersugaai aammalu malitassat allat malinneqarnerisut sukumiisumik nakkutigissavai.

Taamatullu aamma ataatsimiititaliat sulinerat eqqortumik ingerlanneqarnerisut nakkutigissallugit.

Isumaqaanngilagut uagut pinngitsaaliissumik inuussutissarsiuutinik allanik borgmester-ip atuunnermini ingerlatsinissaa inerteqqutaasariaqartoq. Kisiannili soorunami qinikkatut suliassat salliutinneqassapput.

Naalackersuisuuneq borgmesteriunerlu assigiinngillat. Taamaattumik taakkununga assersuussineq allaaneruvoq aammalu malitassat assigiinngillat.

Taamatut oqaaseqarluta Ane Hansen-ip siunnersuutaa itigartipparput.

Aqqaluaq B. Egede siunnersuutaa tassalu Kommunit kattunnerisa kingorna ukiakkut 2017 ataatsimiinnissamut malitseqartitsillutik sinaakktissanik tunngavigissanillu nassuiaasioqqullugit tamannalu oqaaseqarfigissavarput.

Kommunit kattussuunerat nutaajoqaaq, aammalu ilaatigut aallartinniarnera oqitsuinnaasimangilaq ilaatigullu innuttaasut sullinneqarneranni ingerlatsiniarneq aporfissaqartarsimaqaluni sooruanami tamanna akueriinnarneqarsinnaangilaq.

Innuttaasut pitsaasumik kommuunit kattussuunnerisa kingorna sullinneqarnissaat neriorsuutaasimasut uniorlugit ingerlasoqarnera ilungersunartutut isigaarput.

Taamaattumik naalackersuisut kommunit peqatigalugit nalilersuinernik eqqartueqatigiittarnerat aammalu ikaarsaanerup nalilersortuarnissaa pingaartoq suliaralugu ingerlammassuk isumaqarpugut taamatut sulinerit ingerlaqqaartariaqartut, tassami suli assakaasut ilaat inissinneqanngillat tamakkulu suliniutit ingerlarrersut ingerlaqqaatariaqarput tassami ingerlaannartumik aamma allanngortitserigutta tulluarpallaarnaviannngimmat.

Naalackersuisut kommunit peqatigalugit aqqissuusseqqinnermut tunngasunik aammalu anguniakkanik attassinnarnissamik isumaqatigiissuteqarsimanagerat soorunami ataqqivarput. innuttaasut sullinneqarnerisa pitsaangorsartuarnissaat sukumiisumillu malinnaaffigineqarnissaat oqaatigineqartoq taperserparput, kaammattuutigissavarpullu taamatut sulineq kommunit peqatigalugit ingerlaqqaartariaqartoq, siusinaartumik allannguinissamik suliaqarutta sullinniakkat eqqornerlunneqarsinnaanerat ernumanarsinnaammat.

Qaasuitsup kommuniata avinneqarnissaanik oqallinnissaq soorunami qilanaarluta utaqqivarput. Isummersuutissatsinnik tamakkiinerusunik saqqummiussaqaarnissarput ingerlakkumaarparput.

Taamatut oqaaseqarluta Aqqaluaq B Egede siunnersuutaa itigartipparput.

Hans Enoksen